aver morta la signora di Sanguane, videlicet bandirli di terre e lochi, con taia, e venendo siano 135* squartadi etc. Et se li diti o uno di lhoro venirano a manifestar il mandante sia asolto di la pena, e habbi ducati 1000 dil mandante, di so beni, s' il ne sarà, si non di danari di la Signoria nostra, et possi cavar uno di bando di questa cità, havendo la paxe, per homicidio puro. Item quel Zenoa che à posto li cavalli a Liza Fusina habbi termine mexi 3 a presentarsi, e pasado il termine, non venendo, sia bandito dal Menzo e Quarner in là, con la taia etc. Et fo, subito presa, mandata su le scale di San Marco e di Rialto a publichar, e scrito a Verona si publichi.

Noto. Capeleto, over . . . , servitor di-sier Marco Antonio Venier signor di Sanguanedo, el Zuan ditto . . . da Milan, solito servir domino Alexandro Nogaruole, questi fo banditi con la taia ut supra. Ave: di procieder 36, 1 non sincera. Hessendo presi, sia menadi sopra piate a Santa Crose per mezo la caxa, taiarli la man destra, poi in mezo le do colone taià la testa et squartadi in 4 quarti. La taia è lire 3000. El gera solito habitar in la botega de maistro Jacomo sartor; e il terzo

Da poi disnar, fo Conseio di X con Zonta, a requisition di Savii di Colegio, per scriver a Costantinopoli. Et fu fato per non far Pregadi ozi, aziò non si fazi quelli sora i Statuti, e si fazi prima li Consieri.

Fu prima, nel Conseio simplice, fato un vicecao in luogo di sier Hironimo Loredan è amalato, et fu sier Francesco Donado el cavalier. Et li Cai et Consieri messeno una parte, poi leto una gratia di Andrea Fazuol portoner di l'audientia, atento li meriti di soi passadi e dil canzelier grando so parente, qual ave certe canzelarie et morite et non ave il beneficio, perhò li sia dato, oltra l'oficio l' ha ch'è ducati . . . a l'anno, etiam ducati 10 al mexe, videlicet ducati 6 sora la taxa dil vicario di Treviso et ducati 4 sora il Zudexe dil maleficio fino habbi uno officio, primo vachante, de ducati 100 a l'anno ut in parte. Vol i cinque sesti. Ave: 10, 5, 1. Non ave il numero. Erano 16, manchava sier Nicolò Bernardo el consier è amalato.

Da poi intrò la Zonta, et fo scrito a Constantinopoli con grandissima credenza, e mandà la sera le lettere con uno gripo a Ragusi; nescio quid.

Et nota. Ozi tutti 6 li Savii dil Conseio balotono per esser di la Zonta, che forse mai si ha trovato che tutto il numero habbi balotato, perchè qualche

uno erra cazato e non balotava, sichè ne ho voluto far nota.

A dì 24, domenega, vizilia de Nadal. Colegio se reduse, dato audientia, nè altro fu fato.

Noto. Eri in Conseio di X, fo lettere di Udene, di sier Alvise Barbaro luogotenente di la Patria, qual manda una lettera li scrive li comessarii dil re di Romani da . . . , et scriveno esser li zonti, e aver auto l'ordine, sichè sarano il di de San Zuanne in Maran, perhò la Signoria mandi il suo comissario quel zorno li, perchè aldirano etc. Unde fo mandato per Daniel di Lodovici secretario deputato andar, e ordinato vadi via subito, et fatoli la commissione.

Questa matina e tutto ozi piovete. Poi disnar il Serenissimo vene a la messa in chiesia con li oratori, Imperador, Franza, Milan et Ferrara, il primocerio et lo episcopo di Veia, et 6 Procuratori, et quelli invidati al pasto. A l'altar grando erra bella luminaria di cere da 500, tra torzi e candele, ma per la chiesia pochi sezendelli per esser l'oio caro, val ducati il mier. E si compite a hore 3 1/2 di notte. Et nota. Michiel da Ponte, qual fu fato gastaldo dil Serenissimo, à anni 81, va vestito di scarlato con becho di veludo negro la festa, come fa li Consieri.

Da Parenzo, di sier Zacaria Grimani soracomito di galia sotil, stato alla custodia di Cypro, fo lettere. Dil suo zonzer li per venir a disarmar.

Noto. Eri in Conseio di X con la Zonta fu preso dar alcuni danari dil Sal per far l'altra porta di la libraria va in Gran Conseio, mover la scala di legno, et coverzer il palazo di piombo ch'el piove.

Da Milan, dil Baxadona orator, di 18 de- 136 cembrio, ricevute a dì 25 ditto. Scrissi per altre mie la pace fatta tra li 5 Cantoni et Bernesi, con li capitoli come quelli di Zurich. È stà mandati al reverendo Verulano li capitoli agionti alla conclusion di la pace, e li manda. Per lettere, di 7 da Lucerna, dil messo dil prefato Verulano, si ha, li 5 Cantoni si doleno molto che non ha mai posuto far intender al Cristianissimo li mali portamenti dil Meygret, uno di soi oratori apresso Svizari et molto deditto alli 8 Cantoni per il favor che lui ha con Soa Maestà, anzi che quando sono andati ambasadori di essi cinque Cantoni a Soa Maestà, mai sonno stà da lei uditi. Et che quelli faceano querelle di non haver auto vituarie dil stato di questo Signor. Fu da alcuni risposto che ne scriveriano alla excellentia sua per chiarirsi di la voluntà sua, et che fu anche ditto per